

飛英劫

親王
書眉

美日盼兮

夢鴟

情乃真

杜宇

吳劫目錄

第一章

寄生

第二章

撫孤

第三章

落溷

第四章

感遇

第五章

逼腰

第六章

求學

第七章

驚艷

第八章

詩媒

第九章

締姻

第十章

望夫

飛
英
切

目
錄



飛英劫

白蝶魂著

第一章 寄生

姑蘇台畔桃花塢中。數枝垂柳。低壓茅檐。主是屋者。乃一飽學宿儒。名金慰廷。詩書門第也。娶妻慧娘。伉儷甚篤。夫婦二人。俱近花甲。僅生一女。小字飛英。掌上明珠。愛之不管。飛英自小工愁。生成薄命。三歲喪母。父女二人。悽守靈幃。黯然欲絕。慰廷悲切。悼亡愛深。弱息老淚紛流。嘗被兩眶。飛英雖稚。未諳人事。每於深夜。悲啼索母。雖經乃父曲爲撫慰。終不能易其歡顏。以是老懷日惡。晝夜失眠。惟日捧明珠。頻撐淚眼而已。

風燭殘年。經此愴痛。老病日增。其何能久。慰廷於抑鬱之際。嘗撫棺大痛泣呼。慧娘而言曰。金門不幸。遭此鞠凶。余老矣。行將隨卿於地下。飛英嬌小。付託阿誰。卿竟忍心一瞑千古。剩此一塊肉。增余老景之累。父兼母責。情何以堪。嗚呼。慧娘亦知英兒。

之日。夜悲啼。就余索母乎。余腸寸斷。而卿默默傷哉。英兒。汝何命之苦耶。此中卽汝母。汝自呼之。莫就余悲索。而益余之忉怛也。

慰廷。且泣且呼。飛英反止其嬌啼。引目注父面。若強爲慰其父者。一室之中。悲涼悽慘。幃際孤燈。碧綠如荳。以印映彼父女之淚顏。慘然無復人趣。慰廷泣呼。竟夜聲淚俱竭。棺中人終無片語以慰寂寥。但見微風過處。波動靈幃。懸挂遺容。點首示意。一若告慰廷以飛英命薄。尙不止此。萬種蠲磨。方興未艾也。

慰廷有萇季親。名林鶴笙者。居琴川。執米業。家道小康。與慰廷誼切雷陳。相交甚摯。妻朱氏。三十餘之麗人也。系出大家。待人接物。亦頗和平。工酬應。善語言。惟性實小利。常喜顛倒黑白。以爲笑樂。以是夫婦之間。時生勃谿。生子名小慶。頑皮頗類其母。慧娘在日。常往來過從。餽贈有加。慰廷以戚串零落。亦樂與周旋。至是聞慧娘死耗。鶴笙率其妻具楮帛。遠道弔臨。慰廷捧負飛英含淚出迎。相見淚下。悲不可仰。鶴笙觀茲慘境。心爲之碎。不暇弔死。急爲生慰。顧訥訥不善於辭。惟瑣瑣詢慧娘病情。與

其死狀益觸慰廷悲。鶴笙無如之何。惟相向哭泣而已。朱氏奠拜已畢。卽就慰廷手中。索飛英欲抱之。飛英回顏引匿。索之急驚極而啼。鶴笙撫之歡然。順受且撐兩手。索抱鶴笙取坐。諸懷啞笑。語意甚相得。朱氏乃鼓其如簧之舌。以慰慰廷。悲乃稍殺。復入籠下。爲之治饌。辟寢室以臥。鶴笙代董其家。閱十餘日。慰廷感激涕零。中心略爲寬慰。飛英漸與相習。稍稍繼就之。朱氏鍾愛特甚。常逗其笑。自是飛英卽與朱氏同寢處。不復向其父。悲啼索母矣。

一日。慰廷以風燭餘年。危在旦夕。俯念弱息無依。不禁悲從中來。適朱氏抱飛英至。慰廷撫之。爲朱氏言曰。嫂氏可憐。此無母之兒。語未竟咽。不成聲。朱氏心大不忍。急以撫育之責。自任。乃呼鶴笙至。命女寄其門下。擇日設祭。告於祖廟。飛英依依肘下。啓其小口。詢於父曰。爹。嬌爲兒之母耶。兒母安在何。又以嬌爲母。嬌愛兒。兒固樂。母之者。女父笑。頷之。指堂前之棺曰。兒之生。母長眠於此。今嬌爲汝寄母。汝善事之。必能得嬌之憐愛。汝父已老。不及待汝成人。言罷。相視慟然。老淚承睫。飛英就父而呼。

以小手加父膝。泫然出涕。蓋天性所感。即在赤子。亦具同情也。

鶴笙夫婦客此已久。欲回琴川。撫視其兒。思與女俱去。并勸慰廷。俟喪事畢。僦屋同居。慰廷不欲其掌珠之驟離膝下也。緩謝之。朱氏爲傭一老嫗。撫護飛英。飛英牽衣不任其行。鶴笙夫婦撫慰至再。始各含淚而別。入夜飛英畏生。不願就嫗寢。復爲父伴。夜半嬌啼。非喚其母。卽呼其嫗。小兒女之常態。無足怪者。

獨是慰廷不勝其勞。自鶴笙夫婦歸。一夕未安眠。不得已。強令就嫗宿。始雖啼聲澈夜。久亦漸安。以嫗老於人事。尤善伺兒女意。以是頗得飛英歡。嫗亦力盡看護之責。飛英幼時了無疾苦。賴有嫗耳。

白楊衰草。黃土埋愁。慧娘死後。已越百日。慰廷抱入土爲安之主義。去窀穸之期。正復不遠。此時方親自督工。開闢牛眠。卜葬慧娘。夙興夜寐。勞瘁萬分。鶴笙夫婦聞信。偕來。飛英見之。小懷彌樂。投朱氏懷中。就其撫摩。調唇弄舌。以訴其別後狀況。鶴笙復攜有果餌玩具。以贈飛英。飛英乃玩弄各物。顧不識其名。未知其用。仰首笑視。以

待鶴笙指示。鶴笙爲一陳述之。并教之嬉。飛英於是或舞竹刀。或拖小馬。或與土偶對語。或陳杯茗以款玩。友笑鑿橫生。十分快意。爲離母以來第一次之愉快。須臾履聲橐橐。雜以微喘。飛英知其父返。急釋玩具。跟跲奔出。呼曰。爹。姆媽。伯伯來。蓋告其父。以鶴笙夫婦已至者。慰廷急趨就之。且告之曰。勿奔奔。則門限顛汝小脛矣。鶴笙夫婦聞聲亦出。相見甚歡。慰廷以疲於葬事。思鶴笙來爲之臂助。至是果已惠然光臨。老懷感快。爲談其經營葬事之苦。飛英突出。父前置玩物於父膝。往返搬運。狀極忙碌。膝爲之滿。搬已乃歷舉各物以告。諸父并以鶴笙所告名稱一一轉述。如鸚鵡之學舌者。慰廷對此掌珠。樂極而涕。蓋念及飛英來日方長。無母孤兒。正未知歸於何所耳。難言之隱。悉於昏花淚眼中流露而出。朱氏固以黠慧稱。一覩情狀。胸已了了。特以言非其時。急雜以他語。問其悲思。諛諧錯作。足以使慰廷破涕爲笑也。精舍數楹。一望皆白。明日卽爲慧娘發喪之日。慰廷以愛妻故。不欲拘守禮數。故命綵匠自內及外。悉幕以白。綵球密掛素帳。高懸兩行銀燭。映照空幃。白髮愁人。模糊

老眼飛英亦衰經滿身依棺而啼年事幼小究不識悲特以觸景無歡爲乃父悲顏所感第覺其不快耳垂暮老鰥無知弱息一則倚杖痛深一則牽衣含淚三尺桐棺一聲清磬此情此景人何以堪鶴笙夫婦亦陪卻許多眼淚爲之料理內外各事一堂之中含啼噓悲嘆外僅有梵音佛號悠揚其間爲死者懺悔罪過造福來生而已發喪之先一日吳俗尙守靈主客相對第覺黯然設無迦瑜鐘鼓羽道鐃鈸遞響其間幾至寂無聲息朱氏雖雅善笑言至是亦悲從中來噤若寒蟬觀景生情誠不能強爲歡笑夜來悽慘有非筆墨所可形容者

俄而雞聲唱曉斗柄漸移東方既白朝日微晞僧道以次去上下皆倦眠其景之慘澹乃倍於幽夜慰廷哀痛太過兩目紅腫不得眠放眼一觀觸目愴懷老淚乃如泉湧聯珠而下大哭失聲鶴笙夫婦以及僕役輩咸被震醒飛英亦驚覺嬌啼投朱氏懷號哭極哀慰廷淚竭聲枯猶撫棺而號靈床淒冷幾闌一淚世界乃於此時命飛英踞於靈前發其顫聲涕泣而告曰卿乎此汝生之末日也過此卽殮汝之棺亦將

棄余撫視長埋地下。此子無依。行將寄養於林氏之門。卿而有知。冥冥中當爲之保護。至余則自卿物故。老病日增。幾何不隨卿於地下。亦復奚悲。嗟乎。慰廷以伉儷情深。父女愛摯。今以飛英失母。行將寄養他氏。哭告靈前。肝腸寸斷。世間不乏傷心事。殆無有逾於此者。

親朋三五弔者咸臨。鶴笙夫婦往來如梭。照料賓客。飯後發引。旗鑼傘扇。彩亭輿馬。導以軍樂。佐以清音。凡百執事。咸集於階。慰廷扶杖出。飛英與嫗隨之。而櫬發矣。迤邐前行。道旁觀者。覩此白髮垂髻。咸爲咨嗟。嘆息出齊。谿至陸墓。及於葬地。時已薄暮。廬於村舍。盡三日葬事。乃畢。哭奠。辭靈種種。儀注以悲慘二字。足以盡之比。返慰廷以哀勞成疾。十餘日不得起。幸鶴笙夫婦曲爲譬解。加意調護。漸有起色。慰廷感激萬分。至於無語。蓋慰廷終鮮親屬。絕少交游。慧娘之喪。鶴笙夫婦以友誼關係爲之助。資出力料理各事。至於如儀復盡調護之責。撫育之任。良友深情。可以風矣。慰廷至是。決以飛英託諸鶴笙。以免後顧之憂。鶴笙亦因路遠人遙。不能兼顧爲慮。請

於女。父。徙。諸。琴。川。同。室。而。居。慰。廷。左。右。思。維。亦。然。其。說。允。俟。病。愈。卜。吉。偕。行。此。數。日。中。慰。廷。日。以。藥。爐。茶。竈。件。其。餘。生。或。與。鶴。笙。談。往。事。以。爲。樂。飛。英。亦。時。繞。床。就。父。小。語。朱。氏。則。率。老。嫗。摒。擋。家。事。處。置。器。具。鹿。鹿。終。日。有。條。不。紊。閱。數。日。慰。廷。已。扶。杖。起。鶴。笙。乃。料。理。船。隻。擇。日。起。行。一。日。之。程。已。抵。其。處。小。慶。早。率。家。人。拱。候。於。埠。蓋。鶴。笙。先。期。以。書。示。之。也。相。率。入。室。敘。禮。畢。鶴。笙。掃。除。書。舍。一。楹。以。寓。慰。廷。飛。英。與。嫗。就。內。宿。慰。廷。自。此。遂。爲。林。氏。之。寓。公。而。飛。英。命。運。乃。完。全。付。諸。朱。氏。之。手。

第二章 撫孤

飛英父女。寄食林氏。鶴笙相待頗篤。慰廷亦苟且偷安。日惟据坐案頭。手執一卷。自遣間或。偕鶴笙游虞山。登梅邱。煮茗清談。憑窗遠眺。老懷彌樂。憂鬱漸除。而精神矍鑠。倍於往昔。鶴笙以經紀事煩。乞慰廷爲之分理。乃移寓舖中。持籌握算。職頗冗忙。慰廷復忠於其業。未嘗或離。責守以是。父女之間。日益疎遠。欲如前此之於悽苦中。以完聚天倫之樂者。已不克常有。幸朱氏撫養飛英。勝於已出。故亦樂就職業。解除。

煩悶而感伊女之寄託得人也。

如是者五年。鶴笙得慰。廷助業乃愈進。獲利有加。常恐老者過於勞瘁。每隔二三日。必置酒家園。招與同飲。俾其父女得時相見。以慰寂寥。時飛英年已八齡。幼於小慶。七年。兄妹之間。深爲契合。益以朱氏之撫育。老嫗之保抱。掌上明珠。愈增憐愛。出落得異樣玲瓏。十分秀美。髮初覆額。已來玉女之稱。年未及笄。早具驚人之貌。臉暈朝霞。膚凝白雪。質秉溫柔。性尤穎悟。雖百般嬌養。而一顰一笑。一舉一動。絕無忤人意者。六歲。卽束髮。偕小慶同學於塾。聰穎絕倫。識字盈千。卽能作小對。執筆爲字。又嫵媚有秀氣。純出諸天。然初非人力所能強勉者。塾師珍愛之。逾於常兒。教導尤勤。至八歲。已畢四子書。授以唐詩。尤津津有味。吟哦不倦。塾師以其性相習也。盡握諸書。專授以音韻之學。蓋當時女學未興。女子以能詩作賦。便算有才。飛英之師。本係宿儒。見飛英天姿敏慧。章句之間。已知大意。又以性耽吟咏。不復以他業相授。悉心指導。俾專一藝之長。飛英猶恐其師以爲年幼。不忍督責。過嚴受業之時。數數請益。

散學歸來不屑效小兒女嬉每依朱氏側執卷低吟朱氏恐其積學致病嘗勸之戲偶奪其書飛英必背坐室隅不言亦不笑非返其書不能博其回嗔一粲八齡稚女向學心殷如此嬌兒那得不愛慰廷店務得閑必歸撫女飛英性尤摯孝每見父至必先衆而趨每於茶餘酒末偶及家世必瑣瑣詢大母行狀又恐觸慰廷悲每不敢卒其請蓋飛英年雖幼稚知識早開默念生死究抱終天之恨使慧娘得延壽域目覩嬌兒才色俱絕其欣慰之衷當更不知若何乃天不假年早歸泉下以致父女二人流離寄食籬下之思不能自己雖鶴笙夫婦珍愛倍至飲食起居親爲調護慈母之懷不減慧娘但以飛英處之覺朱氏之愛護適足以增其思母之懷每見小慶與朱氏笑言飛英必淚承雙睫追憶其母朱氏見之猶以爲飛英嬌妒急釋小慶招手令前百般撫愛使飛英而果如小兒女之嬌妒者至此必笑逐顏開欣欣得意乃經此一呼愈觸其痛泣不可仰朱氏每謂此兒有怪癖蓋未知飛英懷抱已具無窮之苦痛也

玉樹方芽。萱蔭早彫。感寄母之撫育。痛慈氏之先亡。慘澹心懷。閱殘身世。含讀書間。字外不知有兒女。趣好花方蕊。滿貯幽懷。老成見之。每以其非兒女常態。戚戚恐其不壽。孰知此三尺孩提。却運叢生已如含苞。漸吐將逐其生命。以俱來薄命紅顏。本諸天賦。初亦無可如何耳。

鶴笙書舍。陳飾精緻。院外奇葩。四時競艷。時當秋季。半老海棠。殘紅零落。滿籬黃菊。吐蕊猶多。泣露傲霜。各饒雅趣。階前一垂髻女子。獨坐相對。領略個中。香色若有所思。淡鎖春山。頻搓玉手。綺懷沉寂。默默含情。對此幾葉殘棠。發爲無限感慨。因花零落。切己飄蓬。惺惺相惜。掩面嬌啼。蓋此垂髻女子。正與秋老海棠同其命運。觀物寄懷。能無感觸。推椅徐行。趨就海棠叢畔。擇其未經彫落者。摘佩諸襟。點首微歎。返身入室。呼曰。媽幸爲我簪諸兩髻。取書入學去也。一白髮老嫗聞聲而至。且行且語曰。英姑爾侵曉往何處嬉。幾令老身尋覓殆遍。乃在院內折花花之嬌艷。直似姑娘簪以入學。當益爲先生憐。秋曉風涼。後勿復爾。否則將成疾病。使一家皇皇。羣責老身。

保抱不周矣。語畢爲簪其花入省。朱氏共晨餐。餐竟偕小慶携手而出。老嫗爲挾書裹導之入塾。執卷咿哦。誦讀忘倦。傍晚嫗復來。率與俱返。將及門。小慶狂躍而入。語朱氏曰。英妹能詩爲先生嘉許。獎以小硯一方。語未竟。飛英繼至。面有喜色。朱氏抱置膝頭。翻其書。裏得一紙濃圈蜜點。卽飛英所爲詩也。朱氏不識。文命飛英爲之解釋。極口稱譽。且詈小慶蠢如懶牛。讀書多載。尙不及飛英一二。羞煞阿兄。小慶努嘴循壁而出。逕往肆中告於乃父。慰廷以弱女嬌小。成才快慰。萬狀亟偕小慶返。則鶴笙已歸。方閱詩箋。見慰廷至。含笑起賀。并授之閱。慰廷視其題爲書感。乃七絕一首也。詩曰。

可憐仙骨墮風塵。小劫紅羊幾度春。名士美人同一慨。不逢知己便沉淪。

筆意高超。語多含蓄。一經先生潤飾。更覺斐然可觀。鶴笙擊節嘆賞。詫爲奇才。慰廷默不一語。引目視女。釋箋嘆息良久。始曰。辭意淒涼。非小兒女所應有。才高運蹇。千古同悲。不意英兒亦復近是。恐非佳兆。余深願言之不中也。言罷。憮然鶴笙亦以爲。

是呼飛英語曰。詩以見性。後若更爲切勿復爾。飛英因父見詩。觸動老懷。已局促不安。至是聞鶴笙語。覺一股幽悽。不可遏抑。倚柱痛哭。朱氏亟趨慰之。且數鶴笙不應。以言傷之。鶴笙亟白。所以飛英曰。否。伯父良言。非關此事。兒自覺傷感耳。慰廷亦唏噓慨嘆。舉室爲之不歡。鶴笙乃立趨外舍。命家人開梨花釀。購洋澄蟹。至後圃擇菊之佳者。一一搬置書齋。設酒相邀。作持螯賞菊之會。以解彼父女之悲懷。一家團聚。其樂未央。鶴笙舉酒屬飲。慰廷終覺鬱鬱。乃命取巨杯。至連舉數觥。蒼顏微赤。借他人酒杯。澆自己塊壘。酒落愁腸。彌增不快。一聲河滿。雙淚君前。慰廷自作客以來。從未有如今日之傷感。飛英亦淚滿嬌顏。停箸不食。鶴笙朱氏分頭慰解。僅足止彼揮淚。終難易爲歡顏。傷心人別有懷抱。未臻個中難有解人也。慰廷以寄人字下。雖交稱莫逆。究不能因己悲懷。阻人興趣。乃強遏憂思。反而勸女令其勿悲。飛英經父禁阻。亦竭力自解。洗盞更酌。相與豪飲。酒半酣。鶴笙執爵酌慰廷。起與爲揖。慰廷愕然。回視朱氏。已俯首含淚。卒然出此。殊難索解。慰廷受盞。俟鶴

笙言鶴笙乃云余家舊業自得臂助日有起色琴川乃產米之區余擬盡其所有運諸江漢行銷較暢獲子必豐株守家園終爲非計且彼地物價騰貴薪桂米珠官家尙無禁運之命乘此一舉必十倍於昔兄年高識廣乞爲我斟酌盡善以決去留慰廷掀鬚微笑舉盞一飲曰壯哉行乎此舉誠當安富而食識者所譏余父女累弟久矣恨無涓埃報願代弟一行如何鶴笙急止之曰不可兄老何能復犯霜露區區奉養何足介懷此行苟有濟者余時以此問各事悉囑諸兄坐賈行商余兄弟分任其責可也幸兄勿復作是語增余慚愧慰廷徐續其詞視朱氏而言曰鶴弟此行弟夫人以爲如何朱氏雖不願丈夫遠出顧以事業所在未能以兒女情阻其進取思慰廷代爲說辭今驟聆慰廷言一時未能措詞期期而言曰我輩女流不識大體伯幸裁之第以余所見終覺此舉過於冒險言至此劃然中止注視慰廷盼其答覆慰廷微點其首旋復言曰此弟家事兄外人本難過問特以交誼所在又承見告不得不代爲籌劃君家營業雖有起色然費用過奢入不敷出誠於此時節儉持家安